

# 1. ERANSKINA.–NAFARROAKO FORU KOMUNITATEKO HIZKUNTZA ESKOLA OFIZIALETAKO SARRERA LIBREKO 2025EKO PROBAK EGITEKO BALDINTZAK ETA BETEBEHARRAK

## ***1.–Iragarritako probak eta haien ezaugarriak.***

1.1. 2025. urteari begira, Nafarroako hizkuntza eskola ofizialek sarrera libreko probetarako deialdia egiten dute, ebazpen honetako 2. eranskinean ezartzen diren hizkuntzen, mailen eta egutegiaren arabera.

1.2. Azterketa proben egitura izangaienezako indarreko zehaztapenetan ezartzen da.

1.3. Maila bakoitzeko ziurtapen probak aldi berean administratuko dira deialdi bakarrean, bai ikasle ofizialentzat, baita libreentzat ere, ahozko adierazpenaren proba izan ezik, hura egiteko dagokion egutegia ezarriko baita.

1.4. Matrikula librea formalizatzeko, ezinbesteko baldintza da hamasei urte izatea edo 2025ean betetzea. Era berean, hamalau urtetik gorakoak Derrigorrezko Bigarren Hezkuntzan atzerriko lehen hizkuntza gisa ikasitakoa ez den beste hizkuntza batean matrikulatzen ahalko dira proba egiteko.

1.5. Ikasle libreek bi deialdi izanen dituzte dagokien maila gainditzeko. Probak maiatzean eta ekainean egingen dira, deialdi arruntean, eta irailean deialdi berezian, eta 2. eranskinean ageri den egutegiari jarraikiz banatuko dira.

1.6. Azterketak egin baino lehen, Nafarroako hizkuntza eskola ofizialek beren web-orrietan argitaratuko dituzte ziurtapen probetarako izangaienezako deialdiak, probak zer tokitan, zer egunetan eta ordutan izanen diren adierazita.

1.7. Zentro batek hizkuntza eta maila baterako duen edukiera gainditzen badu izangaien kopuruak, hainbat azterketa-egoitza erabiltzen ahalko dira idatzizko zein ahozko proba egiteko. Kasu horietan, eskolek garaiz-garaiz argitaratuko dute zer azterketa-egoitzatan eta ordutan egin beharko duen proba izangai bakoitzak.

1.8. Antolaketa arrazoiengatik, lehenago egingen dira NUHEOko testu idatzien produkzioko eta koprodukzioko eta idatzizko bitartekotzako proba batzuk, ingelesezkoak eta euskarazkoak, egutegian adierazten den moduan (2. eranskina).

## ***2.–Matrikula librea euskararako eta ingeleserako.***

2.1. Aurreko urteetan euskaran eta ingelesean matrikula libre asko egin izan direnez gero, eta dauden baliabideak era egokian baliatu ahal izateko, Nafarroako hizkuntza eskola ofizialetan aurreinskripzioa online egiteko epe bakar bat irekiko da.

2.2. Ziurtapen probak araubide librean egin nahi dituzten izangaiek hizkuntzaren araberako aurreinskripzio bat egin behar dute, zer mailalara aurkeztu nahi diren adieraziz. Hizkuntza bakoitzean maila batean matrikulatzea baizik ez da onartuko.

Halere, ikastaroetako ikasleek, ziurtagiririk gabe igotzen badira mailaz, matrikula librea egiten ahal dute, aurreinskripziorik gabe, aurreko kurtsoko ziurtapen proba egiteko, beren kurtsoko ikasle ofizialaren izaera galdu gabe. Eskolek matrikulatzeko epe bat gordeko dute ikasle horientzat.

2.3. Aurreinskripzioa eginen da, bakarrik, Iruñeko eta Tuterako hizkuntza eskola ofizialen web-orrietan horretarako berariaz egonen den estekaren bidez, 2025eko otsailaren 10etik 25era arte, biak barne.

2.4. Bi egoitza ezarri dira, bi azterketa zentroi dagozkienak: Iruña eta Tuter. Aurreinskripzioan, izangaiak bere datu pertsonalak adierazi beharko ditu, baita nahi duen hizkuntza eta maila ere, eta, orobat, bere egoitza lehenetsian bakarrik aurreinskribatu nahi duen edo bigarren aukera bat gehitu nahi duen, lehen aukeran matrikularik lortzen ez badu. Aurreinskripzioa bukatuta, eskaera bakoitzak bere erreferentzia zenbakia izanen du. Aurreinskripzioan ematen diren datuak matrikula egitean baieztatuko dira, eta zinpeko aitortpenaren izaera izanen dute.

2.5. Euskararen kasuan, gainera, matrikula librean erabil daitezkeen plazen zerrenda bat ezartzen da, eskolaren eta mailaren arabera.

Ikus taula osoa

| EUSKARA      | B1 | B2  | C1  |
|--------------|----|-----|-----|
| Iruñeko HEO  | 30 | 100 | 200 |
| Tuterako HEO | 5  | 15  | 25  |

2.6. Zentroa zozkatzea eta esleitzea.

2.6.1. Euskararen eta ingelesaren matrikula libreak banatzeko asmoz, ondoren aipatzen diren irizpideen araberrako baremo bat aplikatuko da. Irizpideak ez dira metatuko eta matrikula egitean ziurtatu beharko dira:

Ikus taula osoa

| IRIZPIDEA  | PT |
|--|----|
| Nafarroako Gobernuko Hezkuntza Departamentuaren menpeko ikastetxe ez-unibertsitarioetako irakasleak, jardunean daudenak. | 2  |
| Nafarroan bizi direnak.  | 1  |

Baremo honetan balio duten ziurtagiriak izanen dira 3.4 puntuan adierazitakoak.

2.6.2. Aurreinskripzioa egiteko epea amaitu eta gero, izangai bakoitzari zentro bat esleitu zaio, kontuan hartuta giza baliabideen erabilgarritasuna eta zentroek dauzkaten espazioak.

2.6.3. Zentroa esleitzeko, aurreinskripzioa erregistratu den sistema informatikoak ausaz aterako du

zenbaki bat hizkuntza bakoitzeko, eta zenbaki horretatik abiatu esleituko da ikasleen matrikulazio-zentroa, probak egiteko, kontuan harturik 2.6.1 puntuko baremoan lortutako puntuazioa. Zenbaki hori ateratzeko, ekitaldi publiko bat egingen da, 2025eko otsailaren 26an, 10:00etan, Nafarroako Gobernuko Hezkuntza Departamentuko Arte eta Hizkuntza Ikasketen Atalean (Iruñeko San Domingo kalea 8). Ausazko zenbakia ateratzeko, parte hartuko dute SPEAk izendatutako pertsonak eta Hezkuntza Departamentuko Idazkaritza Nagusi Teknikoko legelari batek.

2.6.4. Otsailaren 26ko 14:30etik aurrera, eskatzaileek kontsultatzen ahalko dute zer zentro esleitu zaien, behin-behinean, matrikula egiteko. Kontsulta egiteko, aurreinskripziorako aplikazio informatikoa erabiliko dute.

2.6.5. Izangaiek 2025eko martxoaren 5eko 14:30era arteko epea izanen dute behin-behineko esleipenari alegazioak egiteko. Horretarako, eskabide bat aurkeztu beharko dute, Hezkuntza Departamentuko Eleaniztasunaren eta Arte Ikasketen Zerbitzuari zuzendua.

2.6.6. Behin betiko esleipenak kontsultatzen ahalko dira aurreinskripzioa egiteko erabili den aplikazio informatiko beraren bidez, 2025eko martxoaren 6ko 14:30etik aurrera.

2.6.7. Euskararen kasuan, plaza hutsak esleitu ondoren, itzarote-zerrenda bat sortuko da mailabakoitzeko. Zerrenda horretan, lehenengo aukeran hautatutako eskola bakarrik hartuko dakontuan, eta plazarik lortu ez duen lehenengo eskatzailearekin hasiko da, eskaerarenerreferentzia-zenbakiaren arabera.

### **3.–Matrikula egitea.**

3.1. Hizkuntza bakoitzean maila batean baizik ezin da matrikulatu.

3.2. Aleman, frantses eta italieraren ziurtapen probak egiteko matrikula librea online eta aurreinskripziorik gabe egingen da, nahi den zentroaren web-orrian, 2025eko otsailaren 17tik 24ra bitartean, bi egun horiek barne.

3.3. Aldez aurretik aurreinskripzioa egin duten izangaiek baizik ezin izanen dute matrikula egin euskararen edo ingelesaren ziurtagiriak lortzeko probak egiteko txanda librean.

3.3.1. Nafarroako hizkuntza eskola ofizialek matrikulazio epe bat irekiko dute, 2024ko martxoaren 6tik 14ra arte (biak barne), ingeleserako eta euskararako aurreinskripzioa egin dutenentzat.

Aurreinskripzioa egin duen bakoitzak online matrikula bat egingen du eranskin honen 2.4 puntuan deskribatu den prozesuaren bidez esleitu den zentroan, aipatu zentroaren web-orrian argitaratutako jarraibideei segituz.

3.3.2. Onartutako pertsonak euskararako matrikula egin ondoren, eta plaza hutsik gelditzen bada, matrikulazio epe bat irekiko da: martxoaren 17ko 9:00etan hasiko da, eta martxoaren 19ko 23:59an bukatuko.

Plaza hutsak ordu-tarteetan esleituko dira, itzaroten dauden izangaien zerrendako ordenari jarraituz, betiere lehenengo aukeran.

3.4. Matrikula egiteko unean, bidezkoa bada, honako agiri eskaneatu hauek aurkeztu beharko dira aplikazio informatikoaren bidez:

- a) NANaren / AIZaren / pasaportearen fotokopia. Ez da beharrezkoa izanen, baldin eta izangaia esleitu zaion hizkuntza eskola ofizialeko ikasle ohia bada.
- b) Euskararen eta ingelesaren matrikula libreetarako, erroldatze agiria, Nafarroan bizi dela egiaztatzeko. Ez da beharrezkoa izanen, baldin eta NANak / AIZak / pasaporteak ematen duten informazioarekin bat badator.
- c) Euskara edo ingeleserako matrikula libreetarako, Nafarroako ikastetxe itundu bateko irakaslea dela ziurtatzeko, ikastetxeko zuzendariak emandako ziurtagiria. Unibertsitatez kanpoko Nafarroako sare publikoko irakasleen kasuan, ofizioz ziurtatuko da.
- d) Hala badagokio, interesduna prezio publikoak osorik edo partez ordaintzetik salbuetsita dagoela egiaztatzen duen dokumentua, indarreko araudiak ezartzen duen moduan.
- e) Espedientea probak egiteko esleitu zaien hizkuntza eskola ofiziala ez den beste batean daukaten izangaiek espediente-lekualdaketaaren agiria aurkeztu beharko dute, beren espedientea dagoen hizkuntza eskola ofizialetik esleitu zaienera eramatekoa, hain zuzen.

3.4.1. 2024-25 ikasturteko matrikula librea egiteko kostuak apirilaren 17ko 43/2024 Foru Aginduanezarrita daude (2024ko 103. Nafarroako Aldizkari Ofiziala, maiatzaren 20koa).Ordainketa egin ezean, matrikula ez da osatutzat joko.

3.4.2. Probetara aurkezten ez diren ikasleek ez dute sartutako zenbatekoa itzultzeko eskubiderik izanen.

3.4.3. Matrikularen zenbatekoa itzuliko da, bakar-bakarrik, matrikula onartuen behin betiko zerrendak argitaratu aurretik itzulketa eskatuz gero (apirilaren 15a baino lehen).

#### **4.–Matrikulak onartzea.**

4.1. Matrikula egiaztatzeko epean ikusten bada inkongruentziak daudela aurreinskripzioan eman diren datuen eta matrikula egiteko aurkezten diren agirien artean, matrikula hori deuseztatu egingen da.

4.2. Onartu diren eta onartu ez diren matrikulen behin-behineko zerrendak eskola bakoitzaren web-orrian argitaratuko dira apirilaren 8ko 10:00etan.

4.3. Behin-behineko zerrenden aurkako alegazioak apirilaren 8tik 14ra bitarte aurkezten ahalko dira, posta elektronikoaren bidez edo kasuan kasuko eskolan bertaratuz.

4.4. Onartu diren eta onartu ez diren matrikulen behin betiko zerrendak eskola bakoitzaren web-orrian argitaratuko dira apirilaren 15ean, 14:30ean.

#### **5.–Ebaluazioa, kalifikazioa eta ziurtapena.**

Maila bakoitzeko zehaztasunei buruzko araudian ezarritakoari jarraikiz egingen dira ebaluazioa, kalifikazioa eta ziurtapena.

#### **6.–Desgaitasuna duten pertsonentzako egokitzapena.**

6.1. Behar den minusbaliotasun edo desgaitasun agiria aurkeztuz, ikasleek justifikatzen badute ziurtapen probak ohiko moduan egiterik ez dutela, behar dituzten egokitzapenak eskatzen ahalko dituzte denbora eta baliabideen aldetik, matrikula egiten dutenean.

6.2. Minusbaliotasun maila aitortua %33koa edo handiagoa baldin bada, Hezkuntza Departamentuak bere zerbitzu pedagogikoei aholku eskatuko die, desgaitasun motaren eta mailaren arabera nolako egokitzapenak egin behar diren jakiteko.